

Osim, Barbarez, Konjić, Bolić; preuzimaju N-FS BiH: "Bekamo odluku UEFA-e i FIFA-e"

22/03/2011 19:09 by Administrator

Nada koja posljednja umire postojat će do 29. marta i održavanja Skupštine N/FS BiH, ako se na Skupštini N/FS BiH 29. marta ne usvoji novi Statut fudbalska reprezentacija BiH će odmah nakon meča sa Rumunima biti izbačena iz kvalifikacija za EURO 2012, a klubovi u narednoj sezoni neće igrati u Evropi.

I

U svakom zlu ima i nešto dobrog, pa će tako eventualnom suspenzijom od prvog aprila Savez bukvalno biti ukinut, što će biti ujedno i dugo očekivani kraj fudbalskih intimusa koji su zauzeli fotelje u N/FS BiH. "Ako dođe do suspenzije više neće biti razgovora sa sadašnjim članovima Saveza. Formirat će se Komitet za normalizaciju, a FIFA i UEFA bi delegirali ljude iz fudbala koji bi učili u Izvršni odbor N/FS BiH", kazao je Benz prilikom zadnje posjete Savezu. Među kandidatima koji se spominju kao članovi Komiteta za normalizaciju su, između ostalih, Ivica Osim, Sergej Barbarez, Admir Smajić, Muhamed Konjić, Elvir Bolić, Meho Kodro, Josip Katalinski, Predrag Pašić, a svi oni su spremni pomoći da Savez ugleda bolje dane, ali se čeka odluka UEFA-e i FIFA-e. "Da bi se moglo nešto konkretno uraditi moramo sačekati da vidimo konačnu odluku UEFA-i FIFA-e, hoće li Savez biti suspendiran ili ne. Mi svi smo spremni da se uljušimo i pomognemo, razgovarao sam sa Barbarezom i Kodrom i oni su spremni da se uključe. Ali još niko od nas nije razgovarao sa predstavnicima UEFA-e i FIFA-e, jer ako se usvoji novi Statut na Skupštini N/FS BiH 29. marta, neće biti potrebe za formiranjem Komitet za normalizaciju", kazao je Elvir Bolić za "24sata.info". Ukoliko se na Skupštini N/FS BiH 29. marta ne usvoji novi Statut, Komitet za normalizaciju imao bi zadatak da usvoji novi Statut N/FS BiH do kraja ove godine. Ako bi posao bio obavljen u zadatom vremenu reprezentacije BiH ponovo bi se uključile u UEFA i FIFA takmičenja, a klubovi mogli igrati u Evropi, ali tek od sezone 2012/2013.

Izvor vijesti: 24sata.info